

## ГАРЧИГ

### МОНГОЛ УЛСЫН ЗАСГИЙН ГАЗРЫН ТОГТООЛ

320. | Журам шинэчлэн батлах тухай Дугаар 183 1365

### МОНГОЛ УЛСЫН ЗАСГИЙН ГАЗРЫН ТОГТООЛ

2013 оны 5 дугаар  
сарын 18-ны өдөр

Дугаар 183

Улаанбаатар  
хот

#### Журам шинэчлэн батлах тухай

Биеийн тамир, спортын тухай хуулийн 7.1.4 дэх заалт, Монгол Улсын Ерөнхийлөгчийн 2012 оны 151 дүгээр зарлигийг тус тус үндэслэн Монгол Улсын Засгийн газраас ТОГТООХ нь:

1. “Олимп, тивийн наадам, дэлхийн зэрэглэлийн тэмцээнд амжилттай оролцож медаль хүртсэн тамирчин, түүний дасгалжуулагчийг шагнаж урамшуулах журам”-ыг 1 дүгээр, “Медаль хүртсэн тамирчин, түүний дасгалжуулагчийг шагнах мөнгөн шагналын хэмжээ”-г 2 дугаар, “Олимп, дэлхийн аварга шалгаруулах тэмцээнээс медаль хүртсэн тамирчдад сар бүр олгох мөнгөн урамшууллын хэмжээ”-г 3 дугаар, “Үндэсний хэмжээний тэмцээний мөнгөн шагналын хэмжээ, түүнийг олгох журам”-ыг 4 дүгээр хавсралт ёсоор тус тус баталсугай.

2. Мөнгөн шагналд шаардагдах хөрөнгийг жил бүр төсвийн багцдаа тусган санхүүжүүлж байхыг Соёл, спорт, аялал жуулчлалын сайд Ц.Оюунгэрэлд үүрэг болгосугай.

3. Үе үеийн олимпийн наадам (Зуны олимп, өвлийн олимп, паралимпийн наадам), дэлхийн аварга шалгаруулах тэмцээнээс олимпийн спортын зай, жинд медаль хүртсэн Монгол Улсын иргэнд насан туршид нь олгох сар бүрийн урамшууллыг нөхөж олгохыг Соёл, спорт, аялал жуулчлалын сайд Ц.Оюунгэрэлд үүрэг болгосугай.

4. Энэ тогтоол гарсантай холбогдуулан “Журам батлах тухай”



Засгийн газрын 2013 оны 2 дугаар сарын 2-ны өдрийн 41 дүгээр тогтоолыг хүчингүй болсонд тооцсугай.

**МОНГОЛ УЛСЫН  
ЕРӨНХИЙ САЙД**

**Н.АЛТАНХУЯГ**

**СОЁЛ, СПОРТ, АЯЛАЛ  
ЖУУЛЧЛАЛЫН САЙД**

**Ц.ОЮУНГЭРЭЛ**

Засгийн газрын 2013 оны 183 дугаар  
тогтоолын 1 дүгээр хавсралт

**ОЛИМП, ТИВИЙН НААДАМ, ДЭЛХИЙН ЗЭРЭГЛЭЛИЙН  
ТЭМЦЭЭНД АМЖИЛТТАЙ ОРОЛЦОЖ МЕДАЛЬ  
ХҮРТСЭН ТАМИРЧИН, ТҮҮНИЙ  
ДАСГАЛЖУУЛАГЧИЙГ ШАГНАЖ  
УРАМШУУЛАХ ЖУРАМ**

Нэг. Нийтлэг үндэслэл

Олимп, тивийн наадам, дэлхийн зэрэглэлийн тэмцээнд сонирхогчдын спортын төрлөөр оролцож медаль хүртсэн тамирчин, түүний дасгалжуулагчийг нэг удаагийн мөнгөн шагналаар шагнах, үеийн олимпын наадам (зуны олимп, өвлийн олимп, паралимпын наадам), дэлхийн аварга шалгаруулах тэмцээнээс олимпын спортын зай, жинд медаль хүртсэн Монгол Улсын иргэнийг насан туршид нь сар бүр урамшуулахтай холбоотой харилцааг энэхүү журмаар зохицуулна.

Хоёр. Тамирчинд олгох нэг удаагийн  
мөнгөн шагнал

2.1. Тэмцээний ангилал, зэрэглэл, тухайн жин, зай, төрөлд оролцсон орны тооноос хамааран тамирчин, дасгалжуулагчид дор дурдсан хувь хэмжээний мөнгөн шагналыг олгоно:



| Тэмцээний  |                                     | Жин, зай, төрөл тус бүрт оролцсон орны тоо |                       | Олгох мөнгөн шагналын хувь хэмжээ |
|--|-------------------------------------|--|-----------------------|-----------------------------------|
| Ангилал  | Зэрэглэл                            | Эрэгтэй                                    | Эмэгтэй               |                                   |
| 1. Олимп, дэлхий, тивийн спортын их наадмын хөтөлбөрт орж зохиогдсон спортын төрлийн тэмцээн | Олимпын наадам<br>Паралимпын наадам | Оролцогч орны тоо харгалзахгүй             |                       | 100%                              |
|  |                                     | Дифлимпын наадам                           | 10-15                 | 7-8                               |
|  | 6-9                                 |  | 5-6                   | 60%                               |
|  | 5 хүртэлх                           |  | 4 хүртэлх             | 30%                               |
|  | Универсиад наадам, Дэлхийн наадам   | 32 болон түүнээс дээш                      | 24 болон түүнээс дээш | 100%                              |
|  |                                     | 21-31                                      | 17-23                 | 60%                               |
|  |                                     | 20 хүртэлх                                 | 16 хүртэлх            | 30%                               |
|  | Азийн наадам                        | 16 болон түүнээс дээш                      | 12 болон түүнээс дээш | 100%                              |
|  |                                     | 12-15                                      | 9-11                  | 60%                               |
|  |                                     | 11 хүртэлх                                 | 8 хүртэлх             | 30%                               |
| 2. Олимпын их наадмын хөтөлбөрт ордог спортын төрлийн тэмцээн                                | Дэлхийн аварга                      | 32 болон түүнээс дээш                      | 24 болон түүнээс дээш | 100%                              |
|  |                                     | 21-31                                      | 17-23                 | 60%                               |
|  |                                     | 20 хүртэлх                                 | 16 хүртэлх            | 30%                               |
|  | Дэлхийн хэмжээний цуврал тэмцээн    | 24 болон түүнээс дээш                      | 17 болон түүнээс дээш | 100%                              |
|  |                                     | 17-23                                      | 12-16                 | 60%                               |
|  |                                     | 17 хүртэлх                                 | 11 хүртэлх            | 30%                               |
|  | Ази тивийн аварга                   | 16 болон түүнээс дээш                      | 12 болон түүнээс дээш | 100%                              |
|  |                                     | 12-15                                      | 9-11                  | 60%                               |
|  |                                     | 11 хүртэлх                                 | 8 хүртэлх             | 30%                               |
| 3. “Спорт Аккорд” олон улсын спортын холбоонд элссэн төрлийн спортын тэмцээн*                | Дэлхийн аварга                      | 26 болон түүнээс дээш                      | 22 болон түүнээс дээш | 100%                              |
|  |                                     | 19-25                                      | 16-21                 | 60%                               |
|  |                                     | 18 хүртэлх                                 | 15 хүртэлх            | 30%                               |
|  | Дэлхийн цом                         | 24 болон түүнээс дээш                      | 20 болон түүнээс дээш | 100%                              |
|  |                                     | 17-23                                      | 14-19                 | 60%                               |
|  |                                     | 16 хүртэлх                                 | 13 хүртэлх            | 30%                               |
|  |                                     | 22 болон түүнээс дээш                      | 18 болон түүнээс дээш | 100%                              |
| 4. Бусад спортын төрөл   | Дэлхийн аварга                      | 15-21                                      | 12-17                 | 60%                               |
|  |                                     | 14 хүртэлх                                 | 11 хүртэлх            | 30%                               |

\*Тайлбар: “Спорт Аккорд”-д зуны төрлөөр 3 тивийн 40-өөс дээш оронд, өвлийн төрлөөр 2 тивийн 25 оронд хөгжсөн олимпын бус спортын 55 төрөл хамрагддаг.



3. Дэлхийн цомын төлөөх шигшээ тэмцээнд тив, бүс нутгийг төлөөлж нэр заагдан уригдан оролцож медаль хүртсэн тамирчинд оролцогч орны тоог харгалзахгүйгээр мөнгөн шагналын 30 хувийг олгоно.

4. Хөгжлийн бэрхшээлтэй иргэдийн спортын тэмцээнд амжилттай оролцож медаль хүртсэн тамирчинд энэхүү журмын 2 дахь заалтад заасан тэмцээний ангилалд ногдох мөнгөн шагналыг олгоно.

5. Дэлхийн хэмжээний цувралаар явагддаг тэмцээн (Грандслам, Гранпри, Дэлхийн цом) тус бүрт тамирчны үзүүлсэн хамгийн өндөр амжилтаар тооцож мөнгөн шагналыг тухайн жилд нэг удаа олгоно.

6. Багийн спортын төрлөөр медаль хүртсэн багийн тамирчин тус бүрт оролцсон орны тоог харгалзахгүйгээр медальд ногдох мөнгөн шагналын 50 хувийг олгоно.

7. Тамирчны тэмцээнд оролцсон зай, жин, төрөл тус бүрт авсан медальд харгалзах мөнгөн шагналыг олгоно. Спортын төрөл доторхи багийн тэмцээнд медаль хүртсэн тохиолдолд энэ журмын 6 дахь заалтын дагуу мөнгөн шагналыг олгоно.

8. Шатар, зуун буудалт даамын төрлөөр олон улсын их мастер (Гроссмейстер)-ын цол хүртсэн тамирчинд тивийн наадмын алтан медальд ногдох мөнгөн шагналыг олгоно.

9. Медаль хүртсэн тамирчинд ногдох мөнгөн шагналын 50 хувьтай тэнцэх хэмжээний мөнгөн шагналыг дасгалжуулагчид олгоно.

10. Мөнгөн шагнал авах болзол хангасан тамирчин эсхүл багтай 1-ээс дээш дасгалжуулагч ажилласан тохиолдолд дасгалжуулагчдад олгох мөнгөн шагналыг дараахь хувийг харгалзан хуваарилна:

| Дасгалжуулагч                           | Олгох мөнгөн шагналын хувь |
|---|----------------------------|
| Анхны багш болон дасгалжуулагч          | 10-15 %                    |
| Үндсэн дасгалжуулагч                    | 30-50 %                    |
| Бусад дасгалжуулагч (шигшээ багийн г.м) | 20-35 %                    |



11. Спортын байгууллага, холбоод наадам, тэмцээнд оролцохоос 14-өөс доошгүй хоногийн өмнө багийн бүрэлдэхүүнийг биеийн тамир, спортын асуудал хариуцсан төрийн захиргааны төв байгууллагад уламжлан шийдвэр гаргуулна. Багийн бүрэлдэхүүнийг батлуулахдаа дараахь материалыг бүрдүүлнэ:

11.1. тухайн тэмцээний нэр, хугацаа, болох газрыг заасан албан ёсны урилга;

11.2. тэмцээний заавар, журам албан ёсны орчуулгын хамт;

11.3. овог, нэр, нас, хүйс, оролцох зай, жин, эмчийн магадлагаа бүхий тамирчдын мэдүүлэг;

11.4. дасгалжуулагчдын мөнгөн шагналын хуваарилалт бүхий гэрээг ирүүлнэ.

12. Мөнгөн шагнал авах болзол хангасан тамирчин, дасгалжуулагчийн хамаарах спортын байгууллага, холбоо нь биеийн тамир, спортын асуудал хариуцсан төрийн захиргааны төв байгууллагад дараахь материалыг тэмцээн дууссанаас хойш 21 хоногийн дотор ирүүлсэн байх үүрэгтэй:

12.1. тамирчныг мөнгөн шагналаар шагнуулах хүсэлт;

12.2. тэмцээнд медаль авсныг нотолсон тэмцээний протокол, баримт, диплом, гэрчилгээ, медалийн хуулбарын хамт (орчуулсан байх);

12.3. тухайн тэмцээний мэдээлэл, протоколыг байрлуулсан интернэтийн вэб сайтын нэр, хаяг, танилцуулга;

12.4. залуучууд, өсвөр үеийнхний тэмцээнд оролцсон тамирчдын төрсний гэрчилгээ болон иргэний үнэмлэхийн хуулбар;

12.5. хугацаа хоцорсон материалыг хүлээн авахгүй.

13. Биеийн тамир, спортын асуудал хариуцсан төрийн захиргааны төв байгууллага энэхүү журмын 12 дахь хэсэгт заасан материалыг хянаж, мөнгөн шагнал олгох тухай саналаа Засгийн газарт оруулж шийдвэрлүүлнэ.



14. Тамирчин, түүний дасгалжуулагчид мөнгөн шагнал олгох Засгийн газрын шийдвэрийг үндэслэн биеийн тамир, спортын асуудал хариуцсан төрийн захиргааны төв байгууллага мөнгөн шагналыг олгож, мэдээллийн сан бүрдүүлнэ.

15. Энэхүү журам нь зөвхөн Монгол Улсын иргэнд хамаарна.

Гурав. Тамирчинд олгох сар бүрийн урамшуулал

16. Урамшуулал нь олимп, паралимп болон уг наадмын төрөлд багтдаг спортын төрлийн зай, жин, төрөлд дэлхийн аварга шалгаруулах тэмцээний насанд хүрэгчдийн ангилал, зай, жинд медаль хүртсэн Монгол Улсын иргэнд олгогдоно.

17. Энэхүү журмын 16-д зааснаас бусад тэмцээнд медаль авсан, Монгол Улсын иргэний харьяатаас гарч гадаад улсын харьяат иргэн байх үедээ медаль хүртсэн тамирчинд сар бүрийн урамшуулал олгогдохгүй.

18. Олимп, паралимп болон олимпын наадмын төрлийн зай, жин, төрөлд багтдаг дэлхийн аварга шалгаруулах тэмцээний насанд хүрэгчдийн ангилал, зай, жинд медаль хүртсэн Монгол Улсын тамирчинд энэхүү журамд заасан урамшууллыг сар бүр олгоно.

19. Энэхүү журмын 18-д заасан тамирчин нь урамшуулалд хамрагдахдаа дараахь материалыг бүрдүүлэн биеийн тамир, спортын асуудал хариуцсан төрийн захиргааны төв байгууллагад ирүүлнэ. Үүнд:

19.1. тухайн спортын холбооны албан бичиг, тодорхойлолт;  
19.2. тамирчны медалийн болон дипломын нотариатаар гэрчлүүлсэн хуулбар;

19.3. тухайн тэмцээний протоколын хувь;

19.4. тамирчны хүсэлт;

19.5. урамшууллыг шилжүүлэх дансны дугаар, банкны нэр.

20. Энэхүү журмын 23-т заасан хүсэлтэд журмын 19-д заасан материалаас гадна дараахь материалыг нэмж ирүүлнэ. Үүнд:

20.1. тухайн тамирчны эхнэр, нөхөр, хүүхэд болохыг нотолсон гэр бүлийн баталгаа, баримт материал.

21. Тухайн жилд шинээр медаль хүртэж энэхүү журамд заасан урамшуулал авах болзол хангасан тамирчны урамшууллыг дараа оны төсвийн жилээс эхлэн олгоно.



22. Олимп, паралимпийн наадам, олимпийн төрлийн дэлхийн аварга шалгаруулах тэмцээний зай, жин, төрлийг тогтоон, медаль хүртсэн тамирчдын нэрс, олгох урамшууллын хэмжээг биеийн тамир спортын асуудал хариуцсан төрийн захиргааны төв байгууллага зардлыг жил бүр тооцож Төсвийн тухай хуулинд заасан төсвийн цаглабарын дагуу санхүү, төсвийн асуудал хариуцсан төрийн захиргааны төв байгууллагад ирүүлнэ.

23. Тамирчин энэхүү журмын 18-д заасан тэмцээнд оролцож медаль хүртсэн боловч нас барсны улмаас энэхүү журамд заасан нөхцөл болзлын дагуу урамшуулал авах боломжгүй болсон бол түүний эхнэр, нөхөр, хүүхдийн гаргасан хүсэлтийг үндэслэн нэг жилд олговол зохих урамшуулалтай тэнцэх хэмжээний мөнгөн урамшууллыг зөвхөн нэг удаа нөхөн олгоно.

24. Урамшуулал авч байгаа тамирчин нас барсан тохиолдолд мөнгөн урамшууллыг нас барсны дараагийн сарыг дуустал олгоно.

25. Биеийн тамир, спортын асуудал хариуцсан төрийн захиргааны төв байгууллага нь урамшууллыг сар бүрийн 25-ны өдрийн дотор тухайн тамирчны дансанд шилжүүлнэ.

#### Дөрөв. Шагнал, урамшуулал олгохыг хориглох

26. Тамирчин допинг хэрэглэсэн нь тогтоогдож медалиа хураалгасан тохиолдолд нэг удаагийн мөнгөн шагнал нь олгогдохгүй бөгөөд олгосны дараа илэрвэл мөнгөн шагналыг тамирчин болон түүний дасгалжуулагчаар нөхөн төлүүлнэ.

27. Дараахь үндэслэлээр урамшуулал олгохыг хориглоно. Үүнд:

27.1. тухайн тамирчин медаль хүртсэн боловч допинг хэрэглэсэн нь тогтоогдсон;

27.2. энэ журмын дагуу бүрдүүлэх материалыг хуурамчаар үйлдсэн нь тогтоогдсон;

27.3. энэхүү журмын 17-д заасан нөхцөл байдал бий болж тамирчин Монгол Улсын иргэний харьяатаас гарсан.

28. Тэмцээний материалыг хуурамчаар бүрдүүлэн журам зөрчсөн этгээдэд хуульд заасны дагуу хариуцлага хүлээлгэнэ.

Засгийн газрын 2013 оны 183 дугаар  
ТОГТООЛЫН 2 дугаар хавсралт

МЕДАЛЬ ХҮРТСЭН ТАМИРЧИН, ТҮҮНИЙ ДАСГАЛЖУУЛАГЧИЙГ ШАГНАХ  
МӨНГӨН ШАГНАЛЫН ХЭМЖЭЭ

(сая. төг)

| № | Тэмцээний<br>Ангилал  | Зэрэглэл                         | Мөнгөн шагналын хэмжээ (тамирчдын насны ангилал, медалиар) |       |                    |      |          |       |      |       |       |     |       |       |
|---|---|----------------------------------|--|-------|--------------------|------|----------|-------|------|-------|-------|-----|-------|-------|
|   |   |                                  | Насанд хүрэгчид  |       | Залуучууд (оюутан) |      | Өсвөр үе |       | Алт  |       | Мөнгө |     | Хүрэл |       |
|   |   |                                  | Алт  | Мөнгө | Хүрэл              | Алт  | Мөнгө    | Хүрэл | Алт  | Мөнгө | Хүрэл | Алт | Мөнгө | Хүрэл |
| 1 | Олимп, дэлхий, тивийн спортын их наадмын хөтөлбөрт орж зохиогдсон спортын төрлийн тэмцээн | Олимпын наадам                   | 120.0  | 60.0  | 30.0               | -    | -        | -     | 40.0 | 20.0  | 10.0  | -   | -     | -     |
|   |   | Паралимпын наадам                | 120.0  | 60.0  | 30.0               | -    | -        | -     | -    | -     | -     | -   | -     | -     |
|   |   | Дифлимпын наадам                 | 60.0   | 30.0  | 10.0               | -    | -        | -     | -    | -     | -     | -   | -     | -     |
|   |   | Универсиад наадам                | 30.0   | 15.0  | 10.0               | -    | -        | -     | -    | -     | -     | -   | -     | -     |
| 2 | Олимпын их наадмын спортын төрлийн тэмцээн  | Дэлхийн спортын наадам           | 15.0   | 8.0   | 4.0                | -    | -        | -     | -    | -     | -     | -   | -     | -     |
|   |   | Азийн наадам                     | 30.0   | 15.0  | 10.0               | -    | -        | -     | 6.0  | 4.0   | 3.0   | -   | -     | -     |
|   |   | Дэлхийн аварга                   | 40.0   | 25.0  | 20.0               | 12.0 | 8.0      | 6.0   | 6.0  | 4.0   | 3.0   | -   | -     | -     |
|   |   | Дэлхийн хэмжээний цуврал тэмцээн | 20.0   | 15.0  | 10.0               | -    | -        | -     | -    | -     | -     | -   | -     | -     |
| 3 | "Спорт Аккорд" олон улсын спортын холбоонд төрлийн спортын тэмцээн                        | Тивийн аварга                    | 10.0   | 8.0   | 7.0                | 7.0  | 5.0      | 3.0   | 3.0  | 2.0   | 1.0   | -   | -     |       |
|   |   | Дэлхийн аварга                   | 7.0  | 5.0   | 4.0                | 4.0  | 3.0      | 2.0   | 3.0  | 2.0   | 1.0   | -   | -     |       |
| 4 | Бусад төрөл   | Дэлхийн цом                      | 4.0  | 3.0   | 2.0                | -    | -        | -     | -    | -     | -     | -   | -     | -     |
|   |   | Дэлхийн аварга                   | 4.0  | 3.0   | 2.0                | 3.0  | 2.0      | 1.0   | 2.0  | 1.0   | 2.0   | 1.0 | 0.5   |       |





Засгийн газрын 2013 оны 183 дугаар  
тогтоолын 3 дугаар хавсралт

**ОЛИМП, ДЭЛХИЙН АВАРГА ШАЛГАРУУЛАХ  
ТЭМЦЭЭНЭЭС МЕДАЛЬ ХҮРТСЭН ТАМИРЧДАД САР  
БҮР ОЛГОХ МӨНГӨН УРАМШУУЛЛЫН ХЭМЖЭЭ**

(сая.төг)

| № | Тэмцээний нэр   | Хүртсэн медаль | Урамшууллын хэмжээ |
|---|---|----------------|--------------------|
| 1 | Олимпийн наадам (зуны олимп, өвлийн олимп, паралимп)            | Алт            | 4.0                |
|   |   | Мөнгө          | 3.0                |
|   |   | Хүрэл          | 2.0                |
| 2 | Дэлхийн аварга шалгаруулах тэмцээн (олимпийн спортын зай, жинд) | Алт            | 2.0                |
|   |   | Мөнгө          | 1.0                |
|   |   | Хүрэл          | 0.5                |

Засгийн газрын 2013 оны 183 дугаар  
тогтоолын 4 дүгээр хавсралт

**ҮНДЭСНИЙ ХЭМЖЭЭНИЙ ТЭМЦЭЭНИЙ  
МӨНГӨН ШАГНАЛЫН ХЭМЖЭЭ, ТҮҮНИЙГ  
ОЛГОХ ЖУРАМ**

1. Үндэсний хэмжээнд зохион байгуулж байгаа монголын бүх ард түмний, хүүхдийн, оюутны, үндэсний спортын их наадам, улсын аварга шалгаруулах тэмцээн (цаашид “тэмцээн” гэх)-д амжилттай оролцож медаль хүртсэн тамирчин, түүний дасгалжуулагчийг мөнгөн шагналаар шагнаж урамшуулахтай холбоотой харилцааг энэхүү журмаар зохицуулна.



2. Медаль хүртсэн тамирчинд дор дурдсан хэмжээний мөнгөн шагнал олгоно:

| № | Тэмцээний         |                            | Медалийн төрөл | Мөнгөн шагналын хэмжээ (мян.төг) |
|---|-------------------|----------------------------|----------------|----------------------------------|
|   | Ангилал           | Зэрэглэл                   |                |                                  |
| 1 | Спортын их наадам | Монголын бүх ард түмний    | Алт            | 1500.0                           |
|   |                   |                            | Мөнгө          | 1000.0                           |
|   |                   |                            | Хүрэл          | 500.0                            |
|   |                   | Оюутны, үндэсний, хүүхдийн | Алт            | 600.0                            |
|   |                   |                            | Мөнгө          | 400.0                            |
|   |                   |                            | Хүрэл          | 200.0                            |
| 2 | Улсын аварга      | Насанд хүрэгчид            | Алт            | 600.0                            |
|   |                   |                            | Мөнгө          | 400.0                            |
|   |                   |                            | Хүрэл          | 200.0                            |
|   |                   | Залуучууд, өсвөр үе        | Алт            | 400.0                            |
|   |                   |                            | Мөнгө          | 200.0                            |
|   |                   |                            | Хүрэл          | 100.0                            |



3. Тэмцээнд багийн нийлбэр дүнгээр медальт байранд шалгарсан багийн дасгалжуулагчид энэхүү журмын 2 дахь заалтад заасан тэмцээний ангилалд ногдох мөнгөн шагналыг олгоно.

4. Багийн спортын төрлөөр медаль хүртсэн багийн тамирчин тус бүрт тухайн медальд ногдох мөнгөн шагналын 50 хувьтай тэнцэх хэмжээний мөнгөн шагналыг олгоно.

5. Хөнгөн атлетик, тэшүүр, буудлага зэрэг хэмжигдэхүүнээр амжилтыг нь тооцдог спортын төрлөөр Монгол Улсын рекорд амжилтыг шинэчлэн тогтоосон тохиолдолд тамирчинд олгох мөнгөн шагналыг 30 хувиар нэмэгдүүлэн олгоно.

6. Тэмцээн зохион байгуулсан спортын холбоо нь биеийн тамир, спортын асуудал хариуцсан төрийн захиргааны төв байгууллагад тэмцээний тайлан, протоколыг тэмцээн дууссанаас хойш 14 хоногийн дотор ирүүлнэ.

7. Биеийн тамир, спортын асуудал хариуцсан төрийн захиргааны төв байгууллага, спортын холбоодоос ирүүлсэн тэмцээний протокол, тайланг хянаж, мөнгөн шагналыг эрхэлсэн сайдын шийдвэрээр олгоно.

8. Дараахь тохиолдолд мөнгөн шагналыг олгохгүй:

8.1. тэмцээний протокол, тайлан, тамирчинд олгох шагналтай холбоотой материалын бүрдэл дутуу;

8.2. материалыг хугацаанд нь ирүүлээгүй;

8.3. өсвөр үе, залуучуудын тэмцээнд нас дарж орсон.

9. Биеийн тамир, спортын асуудал хариуцсан төрийн захиргааны төв байгууллага тамирчин, дасгалжуулагчид мөнгөн шагналыг олгож, мэдээллийн сан бүрдүүлнэ.

**Хаяг:**

“Төрийн мэдээлэл” эмхэтгэлийн редакци.  
Улаанбаатар-14201, Төрийн ордон 124 тоот

И-мэйл: [turiin\\_medeel@parliament.mn](mailto:turiin_medeel@parliament.mn)

Утас: 262420

Хэвлэлийн хуудас: 0.75

Индекс: 14003